

Carl Orman, hefe di departamento di ehecucion DOW

Meta ta pa entrega Colegio San Antonio den e tempo stipula

ORANJESTAD - E proyecto di renobacion y ampliacion di Colegio San Antonio na Santa Cruz a tuma su tempo y a conoce varios cambio, adaptacion segun deseo di e propio docentenan cu hunto cu e departamento di planificación di DOW, a percursu pa e diseño final. E proyecto, cu a inicia cu un presupuesto di 11 miyon florin, a baha despues te na 6.5 miyon florin.

Den e proceso a reuni cu tur interesadonan, manera DOW, Departamento di Enseñansa, Ministerio di Enseñansa, SKOA y tambe e cabesante di Colegio San Antonio. Despues di mas cu 3 aña cu a cuminsa e proceso aki, awo porfin ta bay over na ehecucion. Un proyecto cu awor a spaar 4 miyon florin pa Gobierno, pa por uza den renobacion di otro scolnan



cu ta den mesun necesidad cu Colegio San Antonio.

No solamente ta papia di renobacion di e edificio existente pero tambe di expansion di mas lokaal y kantoor. Tambe e scol lo ricibi un gymzaal completamente nobo. Na e entrada principal lo bin un edificio di 2 piso cual ta principalmente kan-

toor pa e team cu ta maneha e scol aki cu ta conta cu mas di 500 estudiante.

E scol lo tin facilidad pa stoel di wiel, mescos cu tur otro scol diseña pa DOW, manera Colegio San Augustin y e scol preparatorio di Graf van Zinzedorf na San Nicolas.

Carl Orman, hefe di de-

partamento di ehecucion di DOW, ta encarga pa controla y supervisa e trabao di Bohama y percursu pa e keda realisa den e tempo acorda.

"Aumento den Enseñansa ta demostra nos compromiso serio pa cu e area aki. Cada florin cu nos inverti den enseñansa ta spaar 2 florin for di husticia", asina Minister

Michelle Hooyboer-Winklaar a duna di conoce.

Cu e logro di minimalisa e gastonan di construccion di Colegio San Antonio y alabes percursu pa e ta un edificio innovativo, practico y diseña segun deseonan di e propio docentenan ta enfatisa un biaha mas cu cada palabra expresa ta hayando su realidad. □

